

Domine, non sum dignus

Pegen kaer eo fostad dezuz an daol zantel !
 Mes, siouaz d'in, penaoz sevel ken huel :
 Rak me zo eur pec'her, re baour eo va ene !
 Mes livirit eur gomz, hag e vezin pare.

Goude ar Gommunion

O va Jesus, penaoz c'hellimp-ni diskuez,
 Hor c'harantez, 'vit kement a vadelez ?
 Ni ro d'ec'h hor c'halon, hor speret, hon ene,
 Ni fell d'eomp ho meul, hed an eternite.

Bennoz ar beleg, Aviel diveza

Araog mont kuit, goude bennoz ar beleg,
 Pardonit d'eomp mar domp bet re lezireg
 Da heulia penn da benn sakrifis an oferen,
 Ha kinnigit, c'houi, Mari da Zoue hor peden.
 Enn deiz da zont, bodet en dro d'hor Zalver
 Er Baradoz, ha dizolo ar mister,
 Ni a gano bennoz da Zoue 'n em c'hret den,
 Evit gallout rei d'eomp ar bonheur da viken !

An Ao. chalouni LE GALL,

Persoun-kanton Taole.

Imprimatur :

Kemper, 22 Eost 1924.

✠ Adolphi DUPARC,

Eshob Kemper ha Leon.

**KANTIK AN OFEREN**

VAR DON : *Adoromp oll.*

Ar beleg e traon an aoter, hag an Introït

Stouet pec'her, aman dirag an aoter,
 Dirag va Mestr, hag heb dale va barner,
 Me deu leun a fizianz hag evit kaout pardon,
 Da skei dirag an oll, e kreiz poull va c'halon.

Diskuezit d'eomp, va Doue, ho trugarez,
 Ha dre ho komz, ni vezo pur a nevez,
 Evit tastad ouzoc'h, sevel gant ar beleg
 Deuz aoter ar C'halvar, trôn an oll C'halloudeg.

Kyrie, Gloria in excelsis

Trindet Santel, ouzomp-ni o pet truez,
 Ha ni gano assamblez gant an elez :
 Gloar da Zoue en env ha peoc'h var an douar
 Da vugale Doue, peoc'h d'an hini he gar.

Peden

Ni zo dister, c'houi a vel hor paourentez,
 Mes evidomp e ped ar zent, an elez.
 Selaouit ho mouezioù ha selaouit Jesus,
 Ha dreizhan-evidomp bezit trugarezuz.

Abostol

Klevomp breman, mouez an Testamant kenta,
 Deus 'n Ebestel ar c'hentelliou santella ;
 Kreskit, o va Doue, hor feiz en ho lezen,
 'Vit ma vezo tomoc'h hor c'halon er beden.

Aviel

En aviel e komz Doue hé unan,
Savit 'n ho sa évit selaou anezhan.
Bennoz d'eoec'h, va Doue, da veza lavaret
Ar pezh da ober, ar pezh zo difennet.

Kred! a ran komzou an Iliz santel,
Senti outhi a fell d'in beteg mervel,
Dreizhi e komz Doue, ha ne 'z euz ket daou hent
Da gaout ar virionez 'vit mont da vro ar zent.

Prof. Lavabo

Kinnigomp oll, assamblez gant ar beleg,
Guin ha bara, magadurez pemdezieg,
Evit beza chenchet e korf, goad hor Zalver,
Da vága hon ene, na pegér braz mister !

Ni ginnig d'eoec'h hor c'halon hag hon ene,
Var an aoter, da veza chenchet ive.
Goalc'hit hon eneoù, kasit pell ar pec'het,
'Vit ne vezo ennomp nemet Doue kavet.

Orate, fratres

Pedit, breudeur, 'vit ma plijo da Zoue
Hor sakrifis, rak hoc'h hini eo ive. :
Ra blijo da Zoue, evit he vrasa gloar,
Evit mad hon ene hag Iliz an douar.

Préface

Evit meuli Doue an oll zantelezh
Savomp hor mouez da heul hini an elez.
Ne 'z euz netra ker just, rak Hen eo hon Aotrou,
Ar Mestr var an douar, kerkoulz hag en envou.

Sanctus

Santel, santel, leveromp teir guech santel
Eo hon Doue, e bar'an env ken huel.
Var an douar, ive, kanomp d'eshan bennoz,
Pa blij ganthan disken deuz gloar ar baradoz.

Araog ar Gouereou

Pedomp breman, unanomp hor c'halonou
Gant ar beleg, selaouomp he bedennou :
Pedi ra 'vit an oll, 'vit ar Pap, an Iliz,
Evit brassa ezomou ar re zo en ofiz.

Goude ar Gouereou

Adoromp oll, e sakramant an aoter,
Eun Doue kuzet, Jesus hor mestr, hor Zalver.
Sperejou evuruz, prinsed deuz he balez,
Gant karantez ardent, meulit Hen da jamez.

Pa 'z eo stouet ar beleg

Digemerit, Elez, divar an aoter,
An Hosti zakr ha sakrifiz hor Zalver,
'Vit ho c'hass d'an envou, da baea evidomp,
Ma kouezo adare, pardon Doue varnomp.

Memento ar re varo

O pezet sonj deuz ho pugale garet,
A zo en tan gant ho justis kastizet.
Merket int gant ar feiz ha gant ho karantez,
En han' ho sakrifis, o pet outho truez.

Pater

Doue, hon Tad, dre oll ra viot meulet,
Ho polentez dre oll ra vezo heuillet ;
Roit d'an dud, bemdez, an tam bara zo ret,
Ha diaouallit hon ene deuz bilim ar pec'het.

Agnus Dei

Var ar C'halvar, Jesus, c'hui oc'h euz paeet
Dle ar pec'her, an eneoù c'heuz prenet.
Ni ho ped, Oan Doue, o pet truez ouzomp
Ha roit d'eomp ar peoc'h, skuillit ho kras varnomp.